


**ЯКЯФНЕТ**  
Пресвятой Богородице  
в честь иконы Ея  
“Неупиваемая Чаша”






**ЯКАФИСТ**  
Пресвятой Богородице  
в честь иконы Ея  
“Неупиваемая Чаша”



Болгар



**Акафист  
Пресвятой Богородице  
в честь иконы Ея  
«Неупиваемая Чаша»**

***Кондак 1***

Избранное и дивное избавление нам даровася – Тво́й о́браз честный, Влады́чице Богоро́дице, я́ко изба́вльшеся явлéнием егó от недúгов душéвных и телéсных и скóрбных обстоя́ний, благодарственная благохвалéния прино́сим Ти, всемилосéрдная Засту́пнице. Ты же, Влады́чице, Неупива́емою Ча́шею на́ми именúемая, приклони́ся благоутро́бно к на́шим воздыхáниям и во́плем сердéчным, и избавлéние пода́ждь стра́ждущим недúгом пиáнства, да с вéрою воззовéм Ти:

**Ра́дуйся, Влады́чице, Неупива́емая Ча́ша, духо́вную жа́жду на́шу утоля́ющая.**



## Икос 1

Ангельстии чїни и праведников сонми  
непрестанно славят Тя, Царицу Богороди-  
цу, ходатаицу о многогрешнем роде хрис-  
тианстем, погрязшем в беззаконии и пре-  
бывающем во гресех, ибо во утешение и  
спасение даруеши ему милость Свою чрез  
многоименуемая чудотворныя иконы  
Твоя, ихже, яко звезды небесныя по всей  
земли нашей зрим; к единому же из сих  
образов, «Неупиваемая Чаша» именуемому,  
припадающе, из глубины сердца взываем Ти:

Радуйся, неприступнаго Божества се-  
ление; радуйся, непрестанное людей  
удивление.

Радуйся, скорбми грехи наша очищаю-  
щая; радуйся, печальми наша немощи  
врачующая.

Радуйся, милость Свою чрез чудотвор-  
ныя иконы Твоя нам свыше посылаю-  
щая; радуйся, явлением их скорбныя  
сердца наша возвеселяющая.

Радуйся, пречудное всех с Богом при-  
мирение; радуйся, геенны вечныя из-  
бавление.

**Радуйся, Владычице, Неупиваемая Чаша,  
духовную жажду нашу утоляющая.**





## **Кондак 2**

Видящи, Пресвятая Владычице, скорби сердечныя, муки душевныя, искреннее покаяние людей, одержимых губительным пороком пьянства, благоволила еси явити богоспасаемому граду Серпухову милость Свою явлением пречуднаго образа Своего «Неупиваемая Чаша», да вси к нему припадающе с верою и сокрушенным сердцем, получивше исцеление от тяжкаго недуга своего, из глубины души вопиют Богу: **Аллилуиа.**

## **Икос 2**

Разумев трикратное явление преподобнаго Варлаама и повеление его в путь шествовати в богоспасаемый град Серпухов, человек некий, страстию пьянства одержимый, обрете тамо в монастыре икону Твою святую, «Неупиваемая Чаша» именуемую. Мы же, видяще таковое о нас, грешных, попечение, с благоговением вопиём Ти:

Радуйся, чрез благочестивых людей славу чудес Твоих грешным открывающая; радуйся, Путеводительнице прозорливая, путь спасения им показующая.



**Ра́дуйся, всеблагáя нáша Настáвнице, любóвию Твоéю нас привлека́ющая; ра́дуйся, за вся благодея́ния Твоя́ благодарéнию нас науча́ющая.**

**Ра́дуйся, скорбь нáшу в ра́дость претво́ряющая; ра́дуйся, несомне́нною наде́ждою нас увеселя́ющая.**

**Ра́дуйся, губи́тельныя стра́сти нáша разруша́ющая; ра́дуйся, благíм наме́рением спосо́бствующая.**

**Ра́дуйся, Влады́чице, Неупивáемая Ча́ша, духо́вную жа́жду нáшу утоля́ющая.**

### ***Кондак 3***

**Си́ла Вы́шняго и благодáть Влады́чицы укрепля́ше не́коего челове́ка, стра́ждущаго недúгом пи́анства, егда́ он, нóзи разсла́бленней имúще, иде́ во град Сёрпухов, повелéние Богомáтере чрез преподо́бнаго Варлаáма речéнное исполня́я. Прише́д же во град сей, обрéте ико́ну Пречи́стыя Богомáтере, áбие исцелé от недúга своегó душе́внаго и телéснаго, и из глубины́ души́ благодарственно́ воззва́ Бо́гу: **Аллилу́иа.****





### Икос 3

Имуще исто́чник неоскудева́емый, неупива́емую ча́шу небесных дарова́ний, не то́кмо лю́ди гра́да Сёрпухова, но и вси правосла́внии христиа́ны иных гра́дов и вёсей притека́ющи к Твоему́ пречу́дному о́бразу «Неупива́емая Ча́ша» имену́емому, и пред сим получи́вше исцелёние, припа́дающе, благодарными усты́ вопию́т Ти:

Ра́дуйся, купеле, в нейже вся ско́рби на́ша погружа́ются; ра́дуйся, Ча́ше, ёюже ра́дость спасе́ния на́шего восприёмлем. Ра́дуйся, на́ша немо́щи душе́вныя и телесныя врачующая; ра́дуйся, стра́сти на́ша си́лою моли́тв Твои́х укроща́ющая. Ра́дуйся, коему́ждо, во всякой потре́бе прося́щим, полёзная да́рующая; ра́дуйся, безчи́сленныя щедро́ты всем подаю́щая.

Ра́дуйся, ми́лости сокрови́ще нам открыва́ющая; ра́дуйся, милосе́рдие к па́дшим явля́ющая.

**Ра́дуйся, Влады́чице, Неупива́емая Ча́ша, духо́вную жа́жду на́шу утоля́ющая.**





### **Кондак 4**

Бурю вnúтьр имúщи помышлénий сумнítельных, но с íскренним покаянием притека́ющей к Твоему́ неизречénному милосéрдию, одержíмии пиánственною стра́стию, получа́ют исцелéние, и из глубины́ сёрдца вопи́ют рождénному от Тебé Спасителю́ нашему: **Аллилу́иа.**

### **Икос 4**

Слы́ша Господь тяжкия скóрби, вóпли и плач жен, ста́риц, дете́й, сродницы ко́их обурева́еми суть пиánственною стра́стию, дарова́ им, Влады́чице, Твою́ ико́ну, от нея́ же вси притека́ющие обрета́ют утешéние и ра́дость духо́вную, и вопи́ют Ти со слеза́ми:

Ра́дуйся А́гнице, ро́ждаша А́гнца, взёмлющаго грехи́ ми́ра; ра́дуйся, Ча́ше, чéрплющая нам ра́дость от Исто́чника безсмéртia.

Ра́дуйся, скóрбных ма́терей утешéние; ра́дуйся, безнаде́жных Наде́ждо.

Ра́дуйся, притека́ющих к Тебé благодáтное охранéние; ра́дуйся, скорбя́щих отра́до и увеселéние.







Ра́дуйся, волне́ние стра́сти пи́анства  
утиша́ющая; ра́дуйся, ру́ку по́моци  
Твоея́ тре́бующим протира́ющая.  
**Ра́дуйся, Влады́чице, Неупива́емая Ча́ша,  
духо́вную жа́жду на́шу утоля́ющая.**

### **Кондак 5**

Я́ко боготе́чную звезду́, честну́ю ико́-  
ну Твою́ Ты нам показа́ла еси́, Влады́чице  
ми́ра, ю́же мы зря́ще, с ве́рою серде́чною  
моля́щися Тебе́, Богоро́дице, глаго́лем:  
исцели́ пи́анством и ино́ю боле́знию душе́в-  
ною и теле́сною стра́ждущих, ве́рных же  
научи́ воспева́ти хвалу́ Бо́гу: Аллилу́иа.

### **Икос 5**

Ви́дяще чудеса́ пресла́вныя и зна́мения  
пречу́дныя, быва́емья не то́кмо от ико́ны  
Твоея́, Богома́ти, во гра́де Сёрпухове яв-  
ле́нныя, но и от по подо́бию сея́ ико́ны спи́-  
санных изображе́ний, припа́дающе к ним,  
смирённо вопиём Ти:

Ра́дуйся, скоропредста́тельная Помо́щ-  
нице усёрдно к Тебе́ притека́ющих; ра́-  
дуйся, благосе́рдная Услы́шательнице  
молéний на́ших.





Ра́дуйся, град Сёрпухов благословéнием  
Твои́м осени́вшая; ра́дуйся, в преде́лах  
Моско́вских сла́ву чуде́с Твои́х показав-  
шая.

Ра́дуйся, всем тре́бующим сокро́вище  
исцелéний неоску́дное; ра́дуйся, в трез-  
вёнии благоподвиза́ющихся всемо́щная  
Покрови́тельнице.

Ра́дуйся, веду́щим брань проти́ву ми́ра,  
плóти, диа́вола и пи́анства до́брая Спо-  
спéшнице; ра́дуйся, в ми́ре благоче́стно  
живу́щих усёрдная Засту́пнице.

**Ра́дуйся, Влады́чице, Неупива́емая Ча́ша,  
духо́вную жа́жду на́шу утоля́ющая.**

### ***Кондак 6***

Пропове́дающе чуде́са Твоя́, Богороди́-  
тельнице, от ико́ны Твоея́, «Неупива́емая  
Ча́ша» имену́емая, быва́емая, мо́лим Тя,  
Пречи́стая, со слеза́ми: изба́ви всех нас от  
ви́ннаго пристра́стия и от падéния грехо́в-  
наго, научи́ нас воздержáнию, подвиза́ю-  
щи воспевáти Бо́гу: Аллилу́иа.

### **Икос 6**

Воссия́ла еси́ в свéтлости Божéствен-  
ная сла́вы, Де́во Богоотрокови́це, на Мла-





дѣнца, Превѣчнаго Бѣга, Гѣспода на́шего Иис́уса Хри́ста зря́ще, Иже в сос́уде, а́ки в неупива́емой ча́ше предстои́т, я́коже Тя ви́дим изображе́нную на ико́не Твое́й «Неупива́емая Ча́ша» та́инственно пронаре́ченней, от нея́же избавле́ние от пи́анственныя стра́сти притека́ющим с ве́рою да́руеши, сегѣ́ ра́ди со слеза́ми прино́сим Тебе́ гла́сы немѣлчныя си́це:

Ра́дуйся, я́ко о Тебе́ ра́дуется и торжеству́ет а́нгельский собѣ́р и челове́ческий род; ра́дуйся, я́ко Твоя́ сла́ва превосхо́дит похва́лы земны́я и небѣсныя.

Ра́дуйся, та́инственным изображе́нием Сы́на в сос́уде Та́йну Божѣ́ственныхя Евхаристи́и нам открыва́ющая; ра́дуйся, рождѣ́ннаго Тобо́ю А́гнца, всегда́ ядо́мага и никогда́же иждива́емаго, нам дѣ́вно указу́ющая.

Ра́дуйся, Ча́ше жи́зни и безсме́ртія, ко врата́м ве́чныя жи́зни нас приводя́щая; ра́дуйся, исто́чником нетле́ния и ра́дости жа́ждущія ду́ши напо́яющая.

Ра́дуйся, неисче́тною бла́гостию не оста́вляющая са́мых презре́нных и отвѣ́р-



женных; радуйся, от рова погібели милосердіем Твоім исхищающая безнадежных.

**Радуйся, Владычице, Неупиваемая Чаша, духовную жажду нашу утоляющая.**

### ***Кондак 7***

Хотя человек некий возблагодарити Тя, Владычице, за исцеление от недуга пьянства, украси Твою пречудную икону, Богомати, во граде Серпухове пребывающую, из глубины сердца воспевая Богу: **Аллилуиа.**

### ***Икос 7***

Новое чудо видим, Владычице, от иконы Твоея святыя: страждующий бо недугом пьянства некий раб Божий Стефан, прибегая к Твоему матернему представительству, от тяжкаго недуга своего избавися, и благодаря Тя, благолепными дары икону Твою украси, и припадающе к ней, со слезами возопи Тебе тако:

**Радуйся, Животный Источник исцелений; радуйся, Чаше небесная Божественных дарований.**





Ра́дуйся, реко́ исцелéний приснотеку́-  
щая; ра́дуйся, мо́ре, вся на́ша стра́сти  
потопля́ющее.

Ра́дуйся, под тя́жестию греха́ пи́анства  
па́дающих ма́тернима рука́ма Твои́ма  
возставля́ющая; ра́дуйся, благодарст-  
венныя да́ры не отверга́ющая.

Ра́дуйся, сердца́ благочестивых люде́й  
возвеселя́ющая; ра́дуйся, вся благая́  
проше́ния на́ша исполня́ющая.

**Ра́дуйся, Влады́чице, Неупива́емая Ча́ша,  
духо́вную жа́жду на́шу утоля́ющая.**

### ***Кондак 8***

Стра́нно и сумни́тельно неве́рующим  
слы́шати, ка́ко ико́на Твоя́ святая́ «Неупи-  
ва́емая Ча́ша» Божéственных исцелéний  
источа́ет чу́до. Мы же, ве́рующие сло́ву  
Твоему́, Влады́чице, рече́нному к первопи́-  
санней Твое́й ико́не: «Благода́ть Ро́ждша-  
гося от Мене́ и Моя́ с сею́ ико́ною да бу́-  
дет», — ве́руем, я́ко и сия́ ико́на Твоя́ бла-  
годать Твою́ источа́ет. Тем же благоговéй-  
но поклоня́ющесея, лобыза́ем ю, вопи́юще  
Бо́гу: Аллилу́иа.



## Икос 8

Все упováние лю́дие, стра́ждущие недúгом пиáнства, на Тя, Влады́чице, возлагáют. Приклонíся к нéмощем и страстém нáшим, кто бо нас, грéшных, изведёт из рóва погíбели и нищеты́ духóвныя и телéсныя, áще не ты, Влады́чице, сего́ ráди, приклóнше колéна пред Твоím пречíстым óбразом, вопиém Ти тáко:

Рáдуйся, молéния грéшников не отвергáющая; рáдуйся, призывáющим Тя Свою́ небéсную пóмощь ниспосыла́ющая.

Рáдуйся, глубинú милосéрдия Твоего́ грéшным показúющая; рáдуйся, отчáянных и безнаде́жных ободря́ющая.

Рáдуйся, одержíмым стра́стию пиáнства рúку пóмощи простира́ющая; рáдуйся, терпели́вых страда́льцев благодáтными дáры утешáющая.

Рáдуйся, недúги нáша, душéвныя и телéсныя, врачúющая; рáдуйся, сýетныя рáдости мíра сего́ презира́ти нас научáющая.

**Рáдуйся, Влады́чице, Неупивáемая Чáша, духóвную жа́жду нáшу утоля́ющая.**



## **Кондак 9**

Всякое естество́ а́нгельское удиви́ся де́лу Твоего́ милосе́рдия, Го́споди, я́ко дарова́л еси́ грéшному ро́ду челове́ческому твёрдую Засту́пницу и Помóщницу, к на́шим нéмощем приклоня́ющуюся, и от го́рькаго недúта пи́анства свобожда́ющую, вёрныя же науча́ющую пéти Бо́гу: **Аллилу́иа.**

## **Икос 9**

Ветія́ челове́чести́и недоуме́ют восхва́лити по досто́янию сла́вное, Влады́чице, ико́ны Твоея́ явлéние. Ниже́ мы, грéшнии, от сквёрных устéн на́ших возмо́жем принести́ достóйное похвалéние Засту́пнице на́шей. Обáче неисчётныя чудеса́, ико́ною Твоею́ явля́емая ви́девше, душе́ю и се́рдцем ра́дующеся, Тебе́ глаго́лем:

Ра́дуйся, от священна́го ли́ка Твоего́ чудеса́ источа́ющая; ра́дуйся, от бед и скорбе́й ско́ро избавля́ющая.

Ра́дуйся, отверга́ющих Тя посрамля́ющая; ра́дуйся, от всяка́го зла прибега́ющих к Тебе́ сохраня́ющая.





Ра́дуйся, крѳ́тким сия́нием Твоѳ́м мрак грехá и мглу страстѳ́й нáших разгоня́ющая; ра́дуйся, ду́ши нáша любѳ́вию к Тебѳ́ и Сы́ну Твоему́ исполня́ющая.

Ра́дуйся, на стезю́ покая́ния нас премудре наставля́ющая; ра́дуйся, до́браго отвѳ́та пред Суди́ею Пра́ведным нам усѳ́рдная Ходáтаице.

**Ра́дуйся, Влады́чице, Неупивáемая Ча́ша, духо́вную жа́жду нáшу утоля́ющая.**

### ***Кондак 10***

Спасти́ хотя́щи мно́гия стра́ждущия недúгом пиáнства, чу́дную ико́ну Твою́, Богома́ти, дарова́ла еси́, да вси, одержи́мии сею́ стра́стию, к чудотво́рному о́бразу Твоему́ притека́ют и, получи́вше исцелѳ́ние во умилѳ́нии взывáют Бо́гу: Аллилу́иа.

### **Икос 10**

Стена́ еси́ и щит, Богома́ти, лю́дем, стра́ждущим недúгом пиáнства, и всем, усѳ́рдно к Тебѳ́ притека́ющим и ико́ну Твою́ святу́ю благоговѳ́йно чту́щим, и́бо сию́ дарова́ нам благих подáтель Господь в по́-



мощь и врачевство́ от губительныя стра́сти,  
и сим внуша́ет нам пѣти Тебѣ:

Ра́дуйся, отча́янных наде́ждо и печа́лей  
на́ших утолѣние; ра́дуйся, болѣзней ду-  
ше́вных и телѣсных исцелѣние.

Ра́дуйся, на́шу скверну́ чистото́ю Твое́ю  
очища́ющая; ра́дуйся, Сво́ею благода́-  
тию на́ше недосто́инство просвеща́ющая.  
Ра́дуйся, бре́ние на́ше тлѣнное в нетлѣ-  
ние облека́ющая; ра́дуйся, молѣния на́ша  
Твои́м предста́тельством подкрепля́ю-  
щая.

Ра́дуйся, в неможѣнии на́шем нас утверж-  
да́ющая; ра́дуйся, облега́ющий нас  
о́блак страсте́й ско́ро разгоня́ющая.

**Ра́дуйся, Влады́чице, Неупива́емая Ча́ша,  
духо́вную жа́жду на́шу утоля́ющая.**

### ***Кондак 11***

Пѣние на́ше смире́нное, от полноты́  
любви́ и усер́дия Тебѣ приносимо́е, не прѣ-  
зри, Чи́стая, и не отврати́ от отча́явшихся  
и стра́ждущих недуго́м пи́анства ли́ка Сво-  
его́, но помози́ им и нам очисти́тися от вся́-  
кия скверны́ грехо́вныя, да возмо́жем до-  
сто́йно и пра́ведно пѣти Бо́гу: **Аллилу́иа.**



## Икос 11

Светопріёмную свещу́ зрим Тя, Пресвятáя Дéво, íбо óбраз Тво́й святы́й лучáми благодáти Твоея́ мглу грехóвную прогоня́ет и на свѣтлую стезю́ добродѣтелей наставля́ет, с вѣрою зову́щих Ти таковáя:

Рáдуйся, заступлѣнием Твоím от суеты́ міра сегó многомятѣжнаго нас избавля́ющая; рáдуйся, приражѣния страстѣй плóтских отражáти нам помога́ющая.

Рáдуйся, мысль блáгу в сѣрдце нáше полага́ющая; рáдуйся, нечíстую сóвесть нáшу просвещáющая.

Рáдуйся, от мучíтельного недúга пиáнства страждущих избавля́ющая; рáдуйся, к íскреннему пока́нию и вразумлѣнию призы́вающая.

Рáдуйся, дúши всех озлóбленных умягчáющая; рáдуйся, на пóмощь Тя призы́вающих и íмя Твоѣ́ слáвлящих спаса́ющая.

**Рáдуйся, Влады́чице, Неупивáемая Чáша, духóвную жáжду нáшу утоля́ющая.**



## **Кондак 12**

Благода́ть Бо́жия, прису́щая ико́не Тво́ей, «Неупива́емая Ча́ша» имену́емой, влече́т к ней, Влады́чице, всех скорбя́щих, обездо́ленных, вдов и ста́риц, а наипа́че же всех стра́ждущих недúгом пи́анства, и не тще́тны отхо́дят, Пречи́стая, от неупива́емой ча́ши Твои́х Божéственных дарова́ний, но неоску́дно получа́юще цельбы́ чудотво́рнаго о́браза Твоего́, Всеблага́я, благодарственнó пою́т Бо́гу: Аллилу́иа.

## **Икос 12**

Пою́ще Тво́я чудеса́ и ве́лию ми́лость, лю́дем, одержи́мым стра́стию пи́анства, явлéнные, мо́лим Тя, Влады́чице, спаси́ и помилу́й, и наста́ви нас на стезю́ пра́ву, и не оста́ви нас, покро́ва Твоего́ и́щущих и зову́щих Ти:

Ра́дуйся, воздержáнию от греха́ пи́анства всех подви́зáющая; ра́дуйся, от пристра́стия к вино́у росóю ми́лости Твоея́ свобожда́ющая.

Ра́дуйся, стра́ждущих от тяжкаго греха́ пи́анства при́сное врачевáние; ра́дуйся,



бѣдствующим в страстѣх скорая Помощнице.

Радуйся, малодушных дивное ободрѣние;  
радуйся, благодушных велия радости.

Радуйся, гордых смиряющая; радуйся,  
смирѣнная возвышающая и всем спасѣния желаящая.

**Радуйся, Владычице, Неупиваемая Чаша,  
духовную жажду нашу утоляющая.**

### ***Кондак 13***

О премилостивая Мати Сладчайшаго Господа нашего Иисуса Христа! Нынешнее наше услыши молѣние и избави нас от всех недугов, душевных и телесных, наипаче же свободи страждущих недугом пьянства рабов Твоих (*имена*), да не во зле погибнут, но да спасѣнные Тобою прѣсно вопиют Богу: Аллилуиа.

***(Этот кондак читается трижды).***

### **Икос 1**

Ангельстии чѣни и праведников сонми  
непрестанно славят Тя, Царицу Богородицу,  
ходатаицу о многогрѣшнем родѣ хри-





стианством, погрязшем в беззаконии и пребывающем во гресех, ибо во утешение и спасение даруеши ему милость Свою чрез многоименуемая чудотворныя иконы Твоя, ихже, яко звезды небесныя по всей земли нашей зрим; к единому же из сих образов, «Неупиваемая Чаша» именуемому, припадающе, из глубины сердца зываем Ти:

Радуйся, неприступнаго Божества селение; радуйся, непрестанное людей удивление.

Радуйся, скорбми грехи наша очищающая; радуйся, печальми наша немощи врачующая.

Радуйся, милость Свою чрез чудотворныя иконы Твоя нам свыше посылающая; радуйся, явлением их скорбныя сердца наша возвеселяющая.

Радуйся, пречудное всех с Богом примирение; радуйся, геенны вечныя избавление.


**Радуйся, Владычице, Неупиваемая Чаша, духовную жажду нашу утоляющая.**



## **Кондак 1**

Избра́нное и дивное избавле́ние нам дарова́ся — Тво́й о́браз честный, Влады́чице Богоро́дице, я́ко изба́вльшися явлени́ем его́ от неду́гов душе́вных и телесных и ско́рбных обстоя́ний, благодарственная благохвалéния прино́сим Ти, всемилосе́рдная Засту́пнице. Ты же, Влады́чице, Неупива́емою Ча́шею на́ми имену́емая, приклони́ся благоутро́бно к на́шим воздыха́ниям и во́плем сердечным, и избавле́ние пода́ждь стра́ждущим неду́гом пи́анства, да с ве́рою воззове́м Ти:

**Ра́дуйся, Влады́чице, Неупива́емая Ча́ша, духо́вную жа́жду на́шу утоля́ющая.**





## Молитва

О премилосёрдная Владычице! К Твоему заступлению ныне прибегаем, молений наших не презри, но милостиво услыши нас: жен, детей, матерей и тяжким недугом пианства одержимых, и того ради от матери своей — Церкви Христовой, и спасения отпадающих, братьев и сестер и сродников наших исцели. О милостивая Мати Божия, коснися сердец их и скоро возстави от падений греховных, ко спасительному воздержанию приведи их. Умоли Сына Своего, Христа Бога нашего, да простит нам согрешения наша и не отвратит милости Своей от людей Своих, но да укрепит нас в трезвении и целомудрии. Приими, Пресвятая Богородице, молитвы матерей, о чадех своих слезы проливающих, жен, о мужех своих рыдающих, чад, сирых и убогих, заблуждшими оставленных, и всех нас, к иконе Твоей припадающих. И да придет сей вопль наш, молитвами Твоими, ко Престолу Всевышняго. Покрый и соблюди нас от лукаваго ловления и всех козней вражиих, в страшный же час исхода нашего помози пройти непреткновенно воздушныя митарства, молитвами Твоими избави нас вечнаго осуждения, да покроет нас милость Божия в нескончаемые веки веков.

Аминь.



## Тропарь, глас 4-й

Днесь притецем вернии  
к Божественному и пречудному  
образу Пресвятыя Богоматери,  
напоющей верных сердца небесною  
Неупиваемою Чашею Своего милосердия  
и людям верным чудеса показующей.

Аже мы видяще и слышаще  
духовно празднуем и тепле вопием:  
Владычице премилостивая,  
исцели наша недуги и страсти,  
молящи Сына Твоего Христа Бога нашего  
спасти души наша.

